

МАРТДИН

СУВАР

МУБАРАКРАЙ

ГЪЪРМЕТЛУ
ДИШЕГЪЛИЯР!



САМУРДИН

ССС

«Магъарамдхуърун район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуърун район» МР.

Газет 1951- йисалай акъатзава. № 10 (7726) киш, 7 - март, 2015- йис. Къимет 6 манат.

Суварин тебрик



ГЪЪРМЕТЛУ дишегълияр! За кез Виридуьньядин дишегълийрин югъ-чи халкъдин рик алай сувар риклин сидкъидай мубаракзава! Гатфар алукъунихъ галаз санал къаршиламишзавай и сувари дишегълийриз авай гъурмет мад-

ни артухарзава, адаз артухан чимивал, гуьзелвал гузва, ам ишигълу ийизва.

Вири девирра дишегълияр къвалин къул, чимивални экуьвал хуьзвайбур яз, гъакъисагъ зегъметчияр, камаллувилинин сабурлувилин, гуьзелвилинин фагъумлувилин ва руьгъдин члехивилинин мишъивилин чешмеяр яз машгъур хъана. Куьне гъа ихтин гуьзел лишанралди вири халкъдин патай лайихлу гъурмет къазанмишна.

Куьне чун неинки экономикадин, яшайишдин ва культурадин рекъай вилик финик, гъак! чун руьгъдин рекъайни мягкем хъуник, чилел ислягъвал хуьник акъалтай члехи пай кутазва.

Квехъ мягкем сагъвал, хизанрин хушбахтвал ва дуланажагъдин генгвал хун чи мурад я. Къуй чи Ватандин къилел гъамшалугъ экуь ва мишъи цае хуьрай.

Кез 8- Мартдин сувар мубаракрай, гъурметлу дишегълияр!

Ф. АГЪМЕДОВ.

«Магъарамдхуърун район»
Муниципальный райондин къил,
Райондин Собраниедин председатель.

ТЕРЕФ ХВЕНА

3-МАРТДИЗ райадминистрациядин заседанийрин залда МР-дин жавабдар работникрин, хуьрерин администрацийрин къилерин, образованиедин идарайрин ва майишатарин руководителрин, райондин интеллигенциядин векилрин иштираквал аваз собрание къиле фена.



1 ←

Р.Г. Абдулатипова РД-дин Халкъдин Собраниедиз гъар йисуз гъизвай Чар гъалуниз ва теклифар гуниз талуқъарнавай собрание «Магъарамдхуруьн район» МР-дин къил, Райондин Собраниедин председател Фарид Агъмедова ачухна.

Къиблепатан Дагъустанда тамам ихтиярар авай Дагъустан республикадин Къилин векил М. Велимурадова Президентдин Чарчин ва республикада эвелимжи проектар уьмуьрдиз кечирмишзавай гъалдин гъакъиндай баянар гана ва республикадин уьмуьрдай кутугай мисалар гъана.

Гуьгъуьнлай собраниедал «Магъарамдхуруьн район» МР-дин къил Фарид Агъмедов, МВД-дин чи районда авай отделдин начальникдин заместитель Магъамед Эминов, райондин общественный советдин председател Агъадаш Нагъметуллаев, УО-дин начальник Улубег Абейдуллаев, «Хуьруьн майишатдин отдел» МКУ-дин директор Насир Ибрагъимов рахана.

Рахай вири юлдашри Президентдин Чарчин тереф тамамвилелди хвена.

Собраниедин эхирдай Мусафен-

ТЕРЕФ ХВЕНА



ди Абдулмежидовича физический культурадин министерстводин тиварунихъай «РД-да виридалай нетижаллу жегъил МР-дин къил» номинациядай Агъмедов Фарид Загъидиновичаз премия ва республикадин конкурс-килигунра физический культура ва спорт вилик тухунин къвалах тешкиллувилелди къиле ту-

хунай 2- дережадин диплом гана.

Районда физический культура ва спорт вилик тухуник лайихлу пай кутазвай МО-дин физический культурадин ва спортдин отделдин начальник Агъафенди Къадашеваз гуььрметдин грамота гана.

А. АЙДЕМИРОВА.



ВОЛГОГРАД, МАМАЕВ ТЕПЕ

СТАЛИНГРАДДИН дяве инсаниятдин тарихда лап гзаф ивиар экъичайбурукай сад я. Ам 227-нумрадин приказдай къачур «Са камни къулхъди!» девиздик галаз къиле фена ва Ватандин Чехи дяведа, гъакъи дуйньядин Къвед

лагъай дяведа дегишвал тур важиблу легъзе хъана. Сталинграддин дяведин къилин лишан «къакъанвал 102»-Мамаев тепе хъана. Шегъер патал дяве физвайла ам са шумуд сеферда гагъ советрин къушунрин, гагъ душмандин гъиле хъа-

на. Телеф хъайи аскерар рикел хуьниз талуқъарнавай мемориальный комплекс гъа и тепедал эцигун къарардиз къачун мягътелвал ийидай кар туш. Мемориал 1959-йисуз архитектор Вучетичан руководстводик кваз башламишна ва 1967-йисуз акъалтарна. Ансамблдин къилин элемент 85 метр къакъанвал алай лап зурба «Диде Ватанди эверзава!» памятник я. Ам дуйньяда виридалайни къакъан статуяйрикай сад я. Ам гъазурдайла 5500 тонн бетон ва 2400 тонн ракъун конструкция харжна. Статуя дибдал-пъедесталдал ала, амма адан чехи пай чилик ква. Гъавилай Диде-Ватан къецил къвачералди тепедал акъвазнавайди хъиз аквазва. Монументдин цениривай вири Мамаев тепе, Волга ва Волгоград вич аквазва.

ДИДЕД ЧІАЛ ХУЪН – ГЪАР СА ЛЕЗГИДИН НАМУСДИН БУРЖИ

ВАТАН ДИДЕД ЧІАЛАЛАЙ БАШЛАМИШ ЖЕЗВА

2015-ЙИСАН 19- февралдиз Магъарамдхуъре Виридуъньядин халкъарин хайи чІаларин йикъаз талукъарна «Райондин умуми образованиедин организациъра дидед чІал чирунин нетижалувал жажунин гъакъиндай» райондин илимдинни практикадин конференция кыле фена. Конференциядин кІвалахда дидед чІалан малимри ва школайрин директорри, райондин ва образованиедин управлениедин руководителри, общественный организациърин ва СМИ-рин векилри иштиракна.

Илимдинни практикадин конференция тебрикдин гаф рахуналди «Магъарамдхуърун район» МР-дин Кыл Фарид Агъмедова ачухна.

Чи районда, къейдна Фарид Загъидиновича,- дидед чІал хуънин, чирунин ва вилик тухунин рекъяй муниципальный программа тукълуърнава ва ам уьмуърдиз кечирмишзава. Муниципалитетдин руководстводи и программа кылиз акъудун патал вири мумкинвилер кардик кутазва.

Райондин образованиедин вири организациъра олимпиадаяр, тематический яратмишунрин вечерар, викторинаяр, «Дидед чІалан лап хъсан малим», гъак хуралай лап хъсандиз кІелдайдан, лап хъсан сочинениедин конкурсар, дидед чІалан йикъар, практикадин конференцияр тухузва, культурадин, литературадин, искусстводин векилрихъ галаз гуъруьшмиш хъунар тешкилзава.

Чи къенин конференциядин мурад райондин школайра дидед чІал чирунин, милли адетар хуънин важиблу месэляяр гълун ва акъалтзавай несил дидед чІалал рикІ алаз тербияламишун я.

Къенин юкъуз районда образованиедин 33 учреждение кардик ква. Райондин вири школайра, са Цийихуърун ва Приморский школаяр галачиз, сифте-



Конференциядин президиумда. Вилик планда: И. Исаева «Илиг лезгинкадал» шиур кІелзава.

гъан классра тарсар лезги чІалал гузва. Юкъван ва чІехи звенорин классра лезги чІал предмет хъиз чирзава. Райондин школайра лезги чІалан 25 кабинет кардик ква.

Гуъгуънлай Фарид Агъмедова гаф гана рахай образованиедин управлениедин начальник Улубег Абейдуллаева къейд авурвал, районда «Дидед чІал ва литература» квалификация авай 105 малимди кІвалахзава. Абурукай пудаз «Дагъустандин лайихлу малим», кІуьдаз «РФ-дин умуми образованиедин гуърметлу работник», ругудаз «РД-дин образованиедин отличник» тІварар ганва. 21 малимдихъ квалификациядин кылин категория, 46-дахъ сад лагъай категория ава.

Предметдин кесерлувал жажун патал тухузвай кІвалахди тайин нетижаярни гузва. Месела, Магъарамдхуърун М.Гъажиеван тІварунихъ галай I-нумрадин школадин малим Алибутаева Анфиса Аливердиевнади «Дидед чІалан лап хъсан малим-2014» Республикадин конкурсда сад лагъай чка къуна, ам Нальчик шегърда кыле фейи дидед чІалан жегил малимрин межрегиональный «Мир моих увлечений» конкурсда гъалиб хъана. Ярагъкъазмайрин СОШ-дин ди-

дед чІалан ва литературадин малим Жаруллаева Магъият Гъадисовна 2013-йисуз Президентдин грантдиз лайихлу хъана.

Чи райондин школайра кІелзавайбуру республикадин конкурсра ва олимпиадайра призовой чкаяр къазва. Месела, 2013-2014-кІелунин йисуз Олимпиададин республикадин этапда Магъарамдхуърун М. Гъажиеван тІварунихъ галай I-нумрадин II- классда кІелзавай Селимова Амината квед лагъай чка, Ярагъкъазмайрин СОШ-дин I0-классдин ученик Жаруллаев Руслана дидед чІалан литературадай сад лагъай чка ва дидед чІалай квед лагъай чка къуна.

Гъа са вахтунда рахун физвай предметдин материалринни технический база са къадар кесиб тирдини лагъана кІанда. Гележегда чун и рекъяй кІвалах герек тир дережадиз акъудиз алахъда.

Ахпа гаф дидед чІалаз талукъарнавай шииррин конкурсда сад лагъай чкаяр къур аялриз гузва. 2014- йисуз конкурсдин республикадин этапда гъалиб хъайи Магъарамдхуърун М.Гъажиеван тІварунихъ галай I-нумрадин юкъван школадин II-

→ 3

ВАТАН ДИДЕД ЧІАЛАЛАЙ

3 ←

классдин ученица Буржалиева Элинадин, 2015- йисан конкурсдин райондин этапдин гъалибчи Филерин хуърун юкъван школадин II- классдин ученик Исаев Исадин, 2015- йисан конкурсдин райондин этапдин призер Кчункъазмайрин хуърун юкъван школадин II- классдин ученик Усманов Гъмзетан хуралай келунри залда ацукънавайбуруз члехи таъсир авуна. Абуруз пудазни образованиедин управлениедин грамотаяр ва пулунин пишкешар гана.

Конференциядин иштиракчяр мад са хуш кардин шагъидар хъана. «Дидед члалан лап хъсан малим -2015» конкурсдин райондин этапдин призерар Магъарамдхуърун М. Гъажиеван тіварунихъ галай I-нумрадин юкъван школадин дидед члалан ва литературадин малим Гъажиева Румеса Амудеровна, Къуъйистанрин хуърун юкъван школадин дидед члалан ва литературадин малим Алиметова Зоя Ноябирова ва Билбилрин хуърун юкъван школадин дидед члалан ва литературадин малим Жабраилова Мая Арасхановна «Магъарамдхуърун район» МР-дин ва образованиедин управлениедин грамотайралди ва пулунин премийралди лишанлу авуна.

Райондин олимдинни практикадин конференциядал школайра дидед члалан ва литературадин тарсар гузвай малимрин докладрихъ яб акализ башламишна. «Магъарамдхуърун район» МР-дин Къил Фарид Агъмедова тапшурмишуналди конференция киле тухузвай райадминистрациядин къилин везифаяр вахтуналди тамамарзавай Гъабибуллагу Мурадалиева гаф гуналди трибунадиз сад-садан гуъгуънал алаз райондин школайра лезги члалан ва литературадин тарсар гузвай малимар экъечлзава. Абуру лезги члалакай ва литературадикай, абур авай гъалдикай, лезги члал ва литература чирун хъсанар-

дай рекъерикай ва чпи и кар патал тухузвай кваллахдикай кьиметлу докладар ийизва. Агъадихъ абурун докладрай къачунвай са бязи фикирар газет келзавайбурун фикирдиз теклифзава.

АЛИБУТАЕВА

*Анфиса Аливердиевна,
2014- йисуз Нальчик ше-
гьерда дидед члаларин малим-
рин арада киле фейи регио-
нальный акъажунра сад ла-
гъай чка къур Магъарамдху-
рун М.Гъажиеван тіварунихъ
галай I-нумрадин юкъван школа-
дин малим:*



-ДИДЕД ЧІАЛ чирдайла аялрин гъевес хкажун патал за мукъвал-мукъвал адетдинбур тушир тарсар тухузва: тарс-къугъун, тарс- лекция, презентацияр, сегънеламишунар, гъуъжетунар... Аялрин иллаки викторинайрал, мисклалрал, къаравилийрал рикл ала, абур чпини ашкъи аваз гъазурзава.

Алай девирда малимдиз тарс тухудай гегъенш мумкинвилер ава. Тарсуна компьютер, ноутбук, проектный доска ишлемишуни аялриз дидед члалан тарс кланарзава ва малимризин тарс гун са къадар регъят хъанва. Гъа и цийивилери вахт кьенятдай, гзаф тапшургъар тамамардай мумкинвал гузва. Иллаки литературадин тарсара шаиррин, писателрин, алимрин уьмуьрдикай малуматар гудайла акъалтлай регъятвал хъанва.

Амма тарсунин нетижалувал малимдилай вичелай гзаф аслу жезва: адан пешекарвилдин дережадилай, адан алакунрилай. Зи фикир: цийи камар вегъез киче хъана кландач.



МИНГЪАЖИДИНОВА
*Роза Абдулафисовна,
Къуъйистанрин хуърун
юкъван школадин дидед члалан
ва литературадин малим:*

- ДИДЕД ЧІАЛАН ва литературадин малимдин вилик аялар дидед члалал рикл алаз тербияламишунин члехи ва жавабдар везифа акъвазнава. Гъавилияй лезги члаланни литературадин тарсарин метлеблувал ва важиблувал хкажун герек я. Образовательный цийи стандартриз чна члехи фикир гун чарасуз я. И стандартрикай сад метопредметность я. Метопредметность образовательный технологияр сад-садахъ галаз алакъада хъун я. Чна гайи тарс (предмет) аялди маса предметдихъ галаз гьикл алакълу ийизватла чун гзаф вахтара бейхабар я. Эгер ученикди са предмет маса предметдихъ галаз гьикл алакълуа твада лагъана хабар къуртла, чаз тайин тир жаваб гун четин жезва. Гъар са малимди жуван предмет дериндай чирунихъ галаз сад хъиз, амай дисциплинаризни фикир гана кланда.

Дидед члалал фасагъатдиз рахун, адан хъсандиз гъавурда акъун, гафар дуъз ва чпин манада ишлемишун инсандин руьгъдин девлет хкаж хъанва лагъай члал я. Са члал чир хъун- им са халкъдин культурадин тарих чир

ДИДЕД ЧІАЛ ХУЪН – ГЪАР СА ЛЕЗГИДИН НАМУСДИН БУРЖИ

БАШЛАМИШ ЖЕЗВА

хъана лагъай чІал я. Гъикъван гзаф чІалар чир хъайитІа,- чирвилерни гъакъван гзаф жеда лагъай чІал я. Хайи чІал чаз ганвай виридалайни багъа савкъват тирди чна гъар са аялдизни чирна кІанда.

САИДОВ

*Алаудин Абдулаевич,
Магъарамдхурьун коррекционный школадин директордин заместитель, РФ-дин гъуьрметлу малим, РД-дин лайихлу малим:*



- ВИРИДУЪНЪЯДИН халкъарин хайи чІаларин югъ сифте нубатда арадай акъатзавай чІалар хуън патал тайинарнайди я. Дидедин чІал, адан тарих,эдебият чирун патал зегъмет чІугвазвай къагъриманар тІимил авач. Абурун жергеда малимри, алимри, шаирри ва писателри, политикри къетлен чка къазва. Чи районда ва хурера гъахътин ксари тухузвай кІвалах аялрин олимпиадайра, конкурсра къазанмишзавай нетижайри къалурзава.

ЧІалан илимдал машгъл алимрик, чпин саки вири уьмуьр акъалтзавай несилдиз тербия гуниз, илим ва уьмуьрдин дуьз рехъ хягъиз чируниз бахшнавай малимрик инсандиз лап багъа ядигар яз ганвай камаллу алат- чІал арадай акъатунин, квахъунин къурхулувал ква. Дидед чІал хуън, ам мадни гурчегарун, девлетлу авун ва къвезмай несилприв аманат яз агакъарун гъар са лезгидин намусдин буржи хуън герек я. Гъа и кардик за зи къуьнни кутазва ва къенин конференциядал къабулдай меслятрик са жерге алаваяр кутун теклифзава.

АБДУЛГЪАЛИМОВ

*Аллагъяр Дашдемирович,
Хтункъазмайрин тамам тушир юкъван школадин дидед чІалан ва литературадин малим:*



- ЛЕЗГИ ЧІАЛАН диб сифтегъан классра эцигзава. А классра кІвалахзавай малимрин зегъметни агъурди я. Эгер фундамент бегъемди тахъайтІа, цла свар гуда. Гъа идаз сифтегъан классра гузвай чирвилерин дибни ухшар я.

Лезги чІалай савадлувал хкажун патал школада кхьинрин кІвалахар гзаф тухвана кІанда. Аялар литературадал ва чІалал ашукъарна кІанда.

ЖАРУЛЛАЕВА

*Магъият Гъадисовна,
Ярагъкъазмайрин юкъван школадин дидед чІалан ва литературадин малим:*



- ДИДЕД ЧІАЛ! И къве гафуна ажайиб чимивал, экуьвал ва михъивал авачни! Амма

и кар миллетдин вири векилри къатлун тавун гъайиф чІугвадай кар я. Гъавилай чпихъ къилин образование авай, чеб савадллубур яз гъисабзавай гзаф лезгийриз дидед чІалал я кІелиз, я кхъиз чизвач. ИкІ тахуън патал кІвале диде- буба веледрихъ галаз хайи чІалал рахана, адакай руьгъдин игъти- яж авуна кІанда. Лезги чІалал акъатзавай газет ва журнал кІвале тахуън бахтсузвал яз гъисабна кІанда.

ШИХМУРАДОВ

*Къагъриман Шагъмирович,
Кчункъазмайрин юкъван школадин дидед чІалан ва литературадин малим, «Исан малим-2008» конкурсдин иштиракчи:*



-«ЛЕЗГИЙРИН виридалайни къуватлу ва хци яракъ чІал я», - лагъанай Гъажибегъ Гъажибегова. Амма дидед чІал алай аямда гъи гъалда аватІа, чи рахунрай, иллаки къуллугъчийрин, «гъакимрин» рахунрай ачухдиз аквазва. ЧІалакай гъар йикъан уьмуьрда менфят къачузвайбурун, адал рахазвайбурун къадар гъикъван гзаф хъайитІа, ам гъакъван машгълур жеда, вилик фида. Амма къе чавай лезги чІалакай гъакІ лугъуз жедач. Ш. Агъакеримова кхъизвайвал, хайи чІал дериндай чируниз, ам мягъкемаруниз къецІ гузвайбур сифте нубатда диде-бубаяр я. Ахътинбуру аялдиз лезги чІал чидач лугъуз дамахни ийизва.

ДИДЕД ЧІАЛ ХУЪН – ГЪАР СА ЛЕЗГИДИН НАМУСДИН БУРЖИ

ВАТАН ДИДЕД ЧІАЛАЛАЙ БАШЛАМИШ ЖЕЗВА

Конференциядин иштиракчийри дидед чІал чирун ва чуқлурун мадни хъсанарунихъ

5 ←

КОНФЕРЕНЦИЯДАЛ чпин фикирар ва теклифар гваз ра-хаз кланзавайбур гзаф авай. Амма вахтунни а мумкинвал ганач. Гъавиляй райондин илимдинни практикадин конференциядин иштиракчийр меслятар теклифунив эгечІна.

Вирида сес гуналди къабулай меслятра къейд авунвайвал, конференциядин иштиракчийри, дидед чІал чирунин нетижалувал хкажуниз талукъ тир месэляяр гъалуналди, хайи чІал ва литература чирвилер ва тербия гунин, руьгъдалди девлетлу ва вири патарихъай къадайвал вилик фенвай эдеблу инсан, гражданский обществодин активный член- халкъдин культурадин ва руьгъдин ядигарар яратмишдай тегъерда давамардай инсан арадал гъунин карда лап чІехи роль къугъваз-

вайди къейдна.

Районда дидед чІалан 300-дахъ агакна (сифтегъан классрин малимарни кваз) малимри ківалахзава. Абуру пешекарвал хкаждай курсара иштиракзава. Хайи чІаларин кесерлувал хкажуниз олимпиада йри, клелзавайбурун конкурси, аялри хъызвай сочиненийри, педагогрин профессиональный устадвал хкаждай конкурси тайин тир таъсир ийизва.

Хайи чІал алай аямдин инсандин къилин девлетрикай сад я. Районда дидед чІаларихъ галаз ківалах авун хъсан хъанва, агалкъунарни жезва.



галаз алакълу месэляяр вири патарихъай гъалайдалай къулухъ важиблу меслятар къабулна.

Фикрет ГЪАЖИЕВ.

Шикилра: Конференция физвай залда ачухнавай стендрикай сад. Конференция физвай залда.

Р. ГЪАЖИЕВАН шикилар.



Прокуратура защитила права пенсионерки

Прокуратура Магарамкентского района провела проверку по обращению местной жительницы о нарушении её пенсионных прав.

В ходе проверки установлено, что заявительнице в январе и феврале 2015 года начислена и выплачена пенсия в размере 5912 рублей, соответственно.

Между тем, согласно Закону Республики Дагестан от 11 ноября 2014 года № 78 «Об установлении величины прожиточного минимума в Республике Дагестан для определения социальной доплаты к пенсии», с 1 января 2015 года величина прожиточного минимума в Республике Дагестан для определения со-

циальной доплаты к пенсии установлена в размере 6640 рублей.

Таким образом, подлежащая начислению и выплате женщине социальная доплата к пенсии в размере 728 рублей ежемесячно, не производилась.

По выявленным нарушениям закона в адрес руководителя Магарамкентского отдела Управления Пенсионного фонда России по Республике Дагестан внесено представление, которое рассмотрено и удовлетворено.

З. АЙБАТОВ,
старший помощник прокурора района,
юрист 1 класса.

Прокуратура защитила права граждан на получение субсидий на оплату коммунальных услуг

Прокуратура Магарамкентского района провела проверку соблюдения законодательства при предоставлении субсидий на оплату жилого помещения и коммунальных услуг малоимущим жителям.

В ходе проверки в деятельности муниципального казённого учреждения «Отдел жилищных субсидий муниципального района «Магарамкентский район» выявлены нарушения закона.

В частности, установлено, что отделом субсидий за декабрь 2014 года фактически начислены, но не выплачены субсидии в размере от 900 до 4 тысяч рублей 33 жителям села Самур.

Аналогичная ситуация сложилась и по другим сельским поселениям района.

В настоящее время по выявленным нарушениям закона в мировой суд Магарамкентского района направлено в защиту прав и законных интересов получателей субсидий 33 заявления об обязанности отдела жилищных субсидий района выплатить начисленные денежные средства на оплату коммунальных услуг.

Работа прокуратуры района на данном направлении продолжается.

З. АЙБАТОВ,
старший помощник прокурора района,
юрист 1 класса.

По материалам проверки прокуратуры района возбуждены уголовные дела в отношении 5 водителей маршрутных такси

Прокуратура Магарамкентского района провела проверку исполнения законодательства, регламентирующего качество и безопасность осуществления пассажирских перевозок.

Проверка показала, что водители маршрутных микроавтобусов осуществляют перевозку граждан с нарушением требований закона.

В частности, рулевое управление автомашин и тормозная система находится в неисправном состоянии, водителями вносятся изменения в конструкцию транспортных средств.

Материалы проверки прокуратура района направила в следственные органы для решения вопроса об уголовном преследовании.

По результатам их рассмотрения Магарамкентским МРСО СУ СК РФ по РД 27.02.2015 возбуждено 5 уголовных дел в отношении лиц, осуществляющих пассажирские перевозки, по признакам преступления, предусмотренного ч. 1 ст. 238 УК РФ (оказание услуг, не отвечающих требованиям безопасности).

А. ГАДЖИЕВ,
помощник прокурора района,
юрист 2 класса.

КАРАТЭ



За шадвал ийизва

15-ФЕВРАЛДИЗ Карачаево-Черкесский Республикада Кавказдин дагъларин гирвейрал телеф хъайи аскерар риклел хжуниз талукъарнавай члехи мярекат кыле фена. Адан программада 8-11 йиса авай гадайри ва рушари иштирак авуналди Кёкусинкай каратэдай Республикадин первенство ачухуни кылин чка кюна. И акъажунра чи райондин «Алпан» клубдай тир тербиячийрини иштиракна ва абуру сад лагъай вад, къвед лагъай къуд ва пуд лагъай ирид чка кю-

налди чеб халисан женгчийр тирди субутна.

За чи ученикрал, абурун къастунал клевивилел, тарсара члехи чалишмишвилерал шадвал ийизва. Югъ-къандавай абурун устадвал хкаж жезва, гъа и кардал за дамахни ийизва. Гъа икI абуру идалай къулухъни давамардайдахъ зун инанмиш я. Абуру захъ ихтибарвал авуни зи шадвал артухарзава. Зи муррад гъар са аялди гъа ихтинбурулай чешне къачун, гъабур хъиз яшамиш хъун я.

Чи клуб тешкил хъайи йикъалай видеолетопись ту-

хузва. Гъа и карди чаз ученикрин ва абурун малимрин агалкъуниз гъакъикъи къимет гудай мумкинвал гузва. Чина чирвилер гунинни тренировкайрин кваллах Къиблепатан Дагъустанда муъжуьд секцияда кыле физва (Магъарамдхуьр, Гилияр, Целегуьн, Гъепцегъар, Белиж, Дербент- 2 секция).

**Шихан
Багъаудин
ДАВРИШЕВ.**

Шикилда: Карачаево-Черкесский Республикада кыле феи акъажунрин иштиракчийр.

БЮДЖЕТ ТЕСТИКЪАРНА

«Киркарин сельсовет» МО СП-дин хуьруьн Собраниедин депутатрин сессия кыле фена. Анал 2014- йисан бюджет тамамарнавай гъалдин гъакъиндай месэладихъ яб акална ва 2015- йисан бюджет, гъакI 2016-2017- йисарин плановый девирдин бюджет тестикъарна. Цийи йисан бюджет доходрин рекъай 3206 вгъзур манатдив барабар я.

Гилийрин хуьруьн СОШ-дин 9- класс акъалтIарайдан гъакъиндай 2010- йисуз Качмазов Халид Гъалибовичаз гайи 05-БВ сериядин 0053794- нумрадин аттестат квахъуниз килигна **къуватда амачирди яз гъисабин.**

Кылин редактор
А. ИСМАИЛОВ.

Газет гъафтеда
садра акъатзава.

*Газет Магъарамдхуьруьн райондин администрацияда регистрация авуна.
Регистрациядин № 301.*

Редакциядин адрес: Магъарамдхуьр,
Ленинан куьче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул чIугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги чIап.

Индекс 63340. Тираж 1458. Заказ № 10.

+7